



Universitätsbibliothek Paderborn

De Officio Hominis Christiani In Persecvione Constitvti

Lens, Jean de

Lovanii, 1578

Quantopere fugienda sit elatio his quos in persequutione semel aut iterum
fortiter facere contigerit. Cap. XIX.

urn:nbn:de:hbz:466:1-30333

*Cyp.lib. 2.**Epistolarū**Epistola 6.**Psalm. 59.**Ib.de ex-**orti mar-**tyrij c. 12.*

nominis sui erigit, animat, corroborat. Et qui pro omnibus mortem semel vicit, semper vincit in nobis. Huic igitur pia prece dicendum est quod Psalmus habet: Da nobis auxilium de tribulacione, quia vana salus hominis. In Deo faciemus virtutem, & ipse ad nihilū deducet inimicos nostros, ac rursum: Non timebo mala, quoniam tu tecum es. & : Dominus mihi adiutor, non timebo quid faciat mihi homo. Possim & cum diuino Cypriano dicere: Has cogitationes quæ potest persequuntio vincere? quæ tormenta superare? Durat fortis & stabilis religiosis meditationibus fundata mēs, & aduersus omnes diaboli terrores & minas mundi animus immobilis perstat, quem futurorum fides certa & solida corroborat. Clauduntur oculi in persequutionibus terræ, sed patet cœlum. Minatur Antichristus, sed Dominus Christus tuerit: mors infertur, sed immortalitas sequitur: occiso mundus eripitur, sed restituto paradisus exhibetur: vita temporalis extinguitur, sed æterna reparatur. Quanta est dignitas & quanta securitas, exire hinc lætum, exire inter pressuras & angustias gloriosum, claudere in momento oculos quibus homines videbantur & mundus, & aperire eosdem statim, ut Deus videatur & Christus? Hæc Diuinus Cyprianus.

*Quantopere fugienda sit elatio his quos in perse-
quitione semel aut iterum fortiter
facere contigerit.*

CAPVT XIX.

Sed his qui sequentis persequotionis ferociam, istiusmodi cogitationibus instructi & armati, semel iterumque superarunt, magnopere cauendum est elationis periculum, omnique studio modestia conseruanda, ne dum sibi de præterita fortitudine complacent, martyrijq; nomine blan- diudo.

diuntur, suæ postea infirmitati iusto iudicio relinquantur. Nulla enim hic secura victoria est: nec martyrij gloria satis integra cuiquam cōstat, priusquam calcato sēculo ex hac vita migrauerit. Ideoque notanda sunt, quæ ex epistola Lugdunensium & Viennensium ad Asiaticos Phrigiosque fratres *Libro 5.* commemorat Eusebius: Referuntur (inquit) in *Historie ipsa epistola quædam*, etiam de humanitate & *Eccle.ca.3.* mansuetudine beatorum martyrum, quæ dignum puto ad hæc suis sermonibus sicut cætera sociari. Qui (vt aiunt) ad imitationem Christi, qui cum in forma Dei esset, non rapinam arbitratus est esse se æqualem Deo, in tāta gloria positi, & semel atque iterum ac frequentius martyres facti, post bestias, post ignes, & laminas, neque se ipsi martyres dicebant, neque alijs ita se appellantibus indulgebant: sed si fortè aliquis nostrum vel in epistola, vel in sermone eos martyres nominasset, increpabant acrius, dicentes quod hæc appellatio foli Christo debetur, qui solus fidelis veritatis est martyr, & qui primogenitus est ex mortuis, & authoritatem æternæ: vel certe illis solis aptū hoc esse vocabulum, qui post bonam confessionē de hac vita discedere & pergere meruerunt ad Deū. Nos autē (aiebant) humiles & egeni, optamus vt ipsa saltem in nobis confessio tuta permaneat. In quod etiam cæteros fratres cum lachrymis obsecrabāt, vt pro eis Dominū precarētur, quo perfectę confessionis signaculum martyrio mererētur accipere. Et tantum in eis humilitas erat, vt cū rebus ipsis essent iam martyres, nominis tamen iactantiam fugerēt. Apud Gentiles vero cum omni fiducia consistebant, nobilitatem animæ pér contemptum iniuriarū & suppliciorum demonstrantes. Erant ergo inter fratres humiles, inter persecutores elati, suis mites, aduersarijs terribiles, Christo subiecti, diabolo erecti. Sunt & ea quæ apud Cyprianum hac ipsa de re leguntur, notatu dignissima: Neque

K 5 enim

enim (ait) confessio immunem facit ab insidijs
Diaboli, aut contra tentationes, & pericula, & in-
cursus atque impetus sacerdtales adhuc in saeculo
positum perpetua securitate defendit: cæterum
nunquam in confessoribus fraudes, & stupra, &
adulteria postmodum videremus, quæ nunc in
quibusdam videntes ingemiscimus & dolemus.
Quisquis ille confessor est, Salomone maior, aut
melior, aut Deo charior non est. Qui tamquam
diu in vijs Domini ambulauit, tamdiu gratiam,
quam de Domino fuerat cōsecutus obtinuit: post-
quam dereliquit Domini viam, perdidit & gratia
Domini, sicut scriptum est: Et excitauit Dominus
satanam ipsi Salomoni. Et ideo scriptum est: Tene
quod habes, ne alius accipiat coronam tuam. Quod
vtique Dominus non minaretur, auferri posse co-
ronam iustitiae, nisi quia recedente iustitia, rece-
dat necesse est & corona. Confessio exordium
gloriae est, non meritum iam coronæ; nec perficit
laudem, sed initiat dignitatem. Cumque scriptum
sit: Qui perseverauerit usque in finem, hic saluus
erit; quicquid ante finem fuerit, gradus est quo
ad fastigium salutis ascenditur: non terminus,
quo iam culminis summa teneatur. Confessor est,
sed post confessionem periculum maius est: quia
plus aduersarius prouocatus est. Confessor est,
hoc magis stare debet cum Domini Euagelio, per
Euangelium gloriam consequutus à Domino. Ait
enim Dominus: Cui multum datur, multum quæ-
retur ad eo: & cui plus dignitatis adscribitur, plus
de illo exigitur seruitutis. Nemo per confessoris
exemplum pereat, nemo iniustitiam, nemo inso-
lentiam, nemo perfidiam de confessorum mori-
bus discat. Confessor est, sit humilis & quietus, sit
in actu suo cum disciplina modestus; ut qui Chri-
sti confessor dicitur, Christum quem confitetur,
unitetur.

Frater

3. Reg. 11.
Apocal. 3.

Euseb. 12.